



Inatsisartunut ilaasortaq  
Medlem af Inatsisartut Karl Lyberth, Siumut

**Apeqqummut nr. 2011-107-imut § 37 naapertorlugu akissut, tassani apeqqutigineqarmat aalisarnermiit iluanaarutit sumut pisarnerisut?**

Inatsisartut suleriaasianni § 37 imm. 1 naapertorlugu apeqquteqaateqarsimavutit Naalakkersuisut ilisimaneraat aalisarnermiit iluanaarutit amerlanersaat sumut pisarnerisut. Apeqquteqaat akineqaqqullugu uanga susassaqarfinnut innersuunneqarpoq.

**Naalakkersuisunut apeqqutit:**

1. **Naalakkersuisunit ilisimaneqarnerluni aalisarnermit aningaasat pilersinneqartartut iluanaarutaasa annertunerpaartaat sumut tuttarnerisut?**
  - a. **Apeqqutip akissutaa ilisimaneqarpat piumasaraara nassuiaatigineqassasoq**
2. **Naalakkersuisunit aalisarnermit aningaasat pilersinneqartut kaaviaartinneqarneranni iluanaarutitaasa nunatsinnut nunattaluunniit avataanut tuttarnerisut ilisimaneqanngippat, isumalioqatigiissitamik pilersitsinikkut aningaasat kaaviaartinneqartut pillugit misissuititsinissamik pilersitsinissaq tapersersorneqarsinnaanerluni?**
3. **Isumalioqatigiissitamik pilersitsisoqassagaluarpas qanoq aningaasartuutit missinger-suusiorlugit annertutigisut atorineqassagaluarpas?**

(Inatsisartuni ilaasortaq Karl Lyberth, Siumut)

Siullermik apeqqutinut nassiussimasannut qujassaanga. Apeqqutit saqqummiunneqartut tunngaviusumik pingaaruteqarlutillu arlaqartunut attuumassuteqarput apeqqutigineqartullu avataasiorluni sinerissamilu qanittumi aalisarnermut attuumassuteqarput, taakku ataanni suliffeqarfiit tunisiviit tunisassiorfiillu ilaallutik.

Aallaqqaatigalugu saqqummiussissut Inatsisartut upernakkut ataatsimiinneranni aalisarnermut inatsit pillugu oqaluuserineqarnerani saqqummiussimasara innersuussutigisavara. Tassani apeqqutit arlallit taaneqarput aalisarnermut inatsisip oqaluuserineqarnerani killiffiup aappaani, taassuma ataani apeqqutit pisuussutinik atuinermut akeqartitsineq, kinguaariit nikittarnerat, tulaassisussaataaneq, nunat allamiut piginnit-tussaataaneq, sinerissamut qanittumi aalisarnerup avataanilu aalisarnerup im-mikkoortinneqarneri kiisalu pisassiissutinik pigisat atorunnaarsinneqarsinnaaneranni piffissarititat pillugit tunngassuteqartut. Taaneqarsinnaavortaaq raajarniartarnerup misissuiffigilluarneqareernerata kingorna sinerissami qanittumi qalerallinniarnerup tassunga assingusumut misissuiffiginissaat Naalakkersuisut pilersaarutigimmassuk, tamatumallu kingorna apeqqutit saqqummiussimasatit ilaasa akineqarsinnaanerisa pinsinnaassaataat ilimanarsinnaassaaq.

Raajarniartarnerup misissorluarneqarnerata imaata naammassineqarnera Naalakkersuisut tamarmik ataatsimoorlutik suli eqqartunngilaat. Misissuinerup imarisaata pingaarnersaraa avataani aalisariutit pisassiissutit iluanni pisarisartagaat nunallu iluani avataanilu tunitsivinnik suliffeqarfiit atugaasa assersuuneri.

23. maj 2011  
Sagsnr. 2011-050056  
Dok. Nr. 637021

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@nanoq.gl www.nanoq.gl

Apeqquummut siullermut atatillugu siunnersuutigissavara selskabet toqqaannartumik atavigeqqullugit. Naalakkersuisoqarfik naatsorsuutitut kisitsisinik allanik aalisarnermi iluanaarutitut tunngasunik peqanngilaq, Kalaallit Nunaata Naatsorsueqqissaartarfiata naatsorsuutit nalunaarsuutillu tamanut saqqummiussimasai eqqaassanngikkaanni.

Isumalioqatigiissitamik pilersitsinissaq pillugu innersuussutigisinnaavara aalisarnerup aalisakkanillu tunisassiomerup iluani soqutigisaqartorpassuit Aalisarnerup pillugu Isumalioqatigiissitamut ilaasortaasut innersuussuterpaalunnik aalisarnerup ineriartortinneqarneranut malitseqartitsinissaq pillugu suliaqarsimammata. Aalisarnerup iluani soqutigisaqartut pineqartut ilarpassui aalisarnermut inatsisip piareersarneqarneranut ilaareerput. Taamaattumik isumaqarpunga aalisarnerup iluani ataatsimiititalianik/sumalioqatigiissitanik allanik pisariaqartitsisoqanngitsoq.

Inussiarnersumik inuulluaqqusillunga

Ane Hansen